

Зусг хөөдт искусственн көг тавлгън

Хө өсглгъ болн ноос гаргългъ икдүүлгънә туск КПСС-н Центральн Комитетин болн СССР-н Министрмүдин Советин бичгәр кӯр-кӯүндвр кегъад, мана „Ленинский“ совхозин кӯч-көлсчнр болн специалистнр, хө өсглгъән болн ноос гаргългъан хойр холванас давулдж икдүүлх даалгъвр авцхав.

Эн джилин август, сентябрь, октябрь сармудт мана совхоз 9—10 отар зусг хөөнд көг тавджәнә. Негдгч болн гурвдгч фермд август сард 1200 зусг хөөнд искусственн көг тавгдв. Сентябрь сарин арвнд дөрвн отар хөөнд көг тавгдхмн. Цуг совхозар 6000 нәәднр хөөнд көг тавгдхмн.

Ўвләр гарсн хургъд бат болна, зунднъ киргъгднә, дала торгън ноос киргъгдж авч болхмн. Эн хургъд халун зунин цагт мецгә гемәр болн киитн

салькта цагла царцдж гемтхш.

Ўвләр хө хургълуллгъна төрт мана совхоз ик оньган өгчәнә. Шинәс дулан арвн хаша-хаац кеджәнә. Июль сард сән тохмта 8—12 килограмм торгън ноос өгдг 28 хуц хулдж авб. Искусственн көг тавлгънд арвн пункт кергтә болджана, түүнәс тавнъ белн, тавнъ белдгдджәнә. Зусг хөд сән идгтә, худгин элвг уста газрт бәәнә. Көгнъ тавгдджәх хөд хәрүлджасрхин төлә негдгч ферм эргнд 60 гектар тәрмр „суданск“ ногъан өвсн бәәнә. Эрдни-шишәгъяр силос дарлгън эклчкв. Эннъ хаврин хот.

Мана совхозин хөөчнр иигдж келджәнә: хөөдиннъ ут тоогъинъ 1957 джилд 50 минъгънәс үлү кедж, эн тавн джилин сүл джилд 73 минъгъ кӯргдж өсгнәвдн.

Зоотехник Э. ЦЕБЕКОВ.